



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

In Festo S. Stanislai Episc. & Mart.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

In Festo S. Stanislai Episc. & Mart.  
CONCIO.

Cognosco oves meas. Joann. 10.

**V**T fit aliquis Pastor invenio in S. Scriptura aliquot ad hoc conditiones S. Chrysol. serm. 40. *Ille vult mori antequam de ovibus suis quid mali videat.* 2. Curam illarum habet perpetuam. 3. Varias in bonum ovium adhibet industrias. *Argue, obsecra, increpa, &c.* 4. Exponit se pro illis periculo. Hieron. Epist. 12. *Legimus Aaron Pontificem vixisse obviam furentibus flammis & accenso thuribulo iram DEI cohibuisse.* 5. Ovibus Domini tanquam propriis attendit. 6. Joan. 8. *Cum oves emiserit ante eas vadit.* 7. Multum debet eminere in virtute. Chrysof. lib. 2. de Sacerd. *Quantam inter se differentiam homines rationis usum habentes, & bruta ratione carentiam dissident: tantum sane discrimen inter eum qui pascit atque eos qui pascuntur esse velim.* 8. Noscere oves. Sed non omnibus contingit esse Pastores plurium ovium: cuique autem unius, ideo omissis aliis conditionibus, ultimam solum accipio sine qua nec unius ovis quisquam potest esse Pastor.

Ovicula est Anima quam cuique DEUS pascendam dedit, hanc bene cognoscere opus. Prov. 27. *Diligenter agnosce vultum pecoris tui, tuosque greges considera.* Hanc oviculam possumus cognoscere oculo humano, Christiano, & Sanctorum. Humano oculo seu per naturalem discursum. Res vivens melior non vivente, ideo pro nulla re danda est anima. Arist. 7. Polit. *Anima nobilior est corpore & omni possessione.* Aratus Poeta à S. Paulo in Actis adductus propter animam nos vocat genus

F 2

DEI

DEI, proinde honore & cultu omni digna est. Plato in Timæo *Ad hoc anima conjuncta est corpori ut fruatur scientiis & virtutibus.* Cognoscebat ita animam suam Stanislaus, & eam primò Guel-  
næ, deinde Parisiis ornavit omni scientiâ & virtute. *Inde rediit domum tanquam ex mercatura mercator bonus: integris, pietate, modestiâ, castitate: excellenti doctrinâ, rerum gerendarum dexteritate Summâ.* Jam de eo si quis animam suam vilipendit quia non agnoscit, judicium Platonis lib. 9. de Repub. audiamus. *Si quis ut acciperet aurum, Filium aut Filiam, immanissimis ac pessimis Dominis in miseram servitutem vendere an non crudelissimus esset, & stultissimus? Quid? tu non stultior muledo & crudelior, qui partem tuâ Divinissimam, hoc est animam, impienissimo & impurissimo demerito vendis, ut expleas libidines?* Unde qui animam peccatis subijcit, finit illi dominari avaritiam, ebrietatem, stultus est & impius, & nomine hominis indignus, sed hoc adhuc parum est.

Opus animam cognoscere Christiano oculo quem fides illustravit, & eâ cognitâ ornare virtutibus propriis Christianorum ac scientiis, quæ sunt altiores quàm priores. Natura docet, Redde cuique quod suum est: fides docet Matth. 5. *Qui vult tunicam tuam tollere, præbe ei & pallium.* Natura docet, nulli injuriam inferre: Fides, *orate pro persequentibus vos.* Natura, prospicere futuris: Fides, *thesaurisate ubi tinea non comedit, nec arugo demolitur.* Natura fugere adversa. Fides, *Omne gaudium existimate cum in varias tentationes incideritis, &c.* Sed & ipsius animæ cognitio est altior. *Vocavit nos in adoptionem Filiorum.* Sicut, si DEUS tuæ curæ permitteret futurum Filium, ita etiam anima tua agere debet. Est & Filia, & Sponsa DEI, si hanc Sponsam per capillos raptam humi volutares, pedibus concalcas. Egit ita Sanctus. Hoc in illo advertit Lampertus Ep. Cracovien. qui eum per coactionem bonam fecit Sacerdotem, Canonicum, & Concionatorem. Sed Sanctus oculo Sanctorum  
insuper

insuper animam suam cognoscebat, neque contentus suam exornare etiam alienas ornare studuit, & quia ut Ambr. ferm. 76. *Prima doctrina est benefacere.* Et maxime virtutem docet, qui ipse facit. Scivit etiam quod Hieron. Epist. 2. ad Negotianum scripsit. *Non confundant opera tua sermonem tuum, ne, cum in Ecclesia loqueris, tacitus quilibet respondeat, cur ergo hæc quæ dicis ipse non facis?* delicatus Magister est qui ventre pleno de jejuniis disputat. Pugnandum erat Sancto, contra luxuriam: virginitatem suam integram exhibuit. Contra invidiam, adjecit mansuetudinem, cum illius nobilis qui ejus familiam vulneravit, ipsum noctu eiecit domo, Ecclesiam postera die injuriæ immemor consecravit. Contra gulam continua jejunia offendit, contra superbiam, humilitatem: contra invidiam, summam erga miseros charitatem, unde viduarum & pauperum suæ diæcesis, ne quem præteriret, conscriptum habuit catalogum. Contra accediam, zelum, quo incensus veluti Mercator tempore nundinarum nullis se passus aliis implicari negotiis. Currebat per Diæcesim, & dicere cum Paulo poterat. *Omnia sustineo pro electis ut & ipsi salutem consequantur.* Incidit in Animam Boleslai turpissime infectam, vidit periculosum esse, Regem ferocem & in libidinem effusum aggredi audacter accedit & ingeminat. *Non licet tibi Rex.* Calumnia Sancto ingeritur à Rege, ille verò. *Quoniam diminutæ sunt veritates à Filis hominum, veritas de terra orietur, & justitia de caelo prospiciet. In nomine JESU Christi cui servo & cujus Ecclesiam tuor, &c.* Resuscitat mortuum, perstrictus Rex miraculo conquiescit; sed captâ Chiovia, iterum turpior & crudelior evadit; occidit Stanislaum, &c. Ita Stanislaus animas oculo sanctorum regnoscebat, ut libenter pro illis vitam exposuerit, & DEUS miraculis hanc ejus cognitionem approbavit. Nam & post mortem corpus ejus quod fuerat concisum, factum est integrum, in Canonizatione suscitatus est mortuus.

Si modò quæreremus per domos, Scholas, templa. No-  
stine animam tuam? fortassè alicubi contingeret, quod accidit  
Nehemiæ 2. Mach. 1. quærebat ignem, invenit aquam crassam,  
quæritur cognitio hujus oviculæ, scilicet animæ, & ecce aqua  
crassa, & ecce lutum, taliter se cognoscit atque lutum. Vel cer-  
tè cognoscunt se, & ita curant, ac si essent bruta animalia. Ezech.  
8. *Fili hominis fode parietem, & ecce omnis similitudo reptilium, &  
animalium abominatio.* Ille se putat propter avaritiam talpam,  
ille propter astutiam vulpem, &c. Et agit ut vulpes, excecavit  
illos malitia eorum, hæc tenebras induxit ne videre possint,  
quid inde? Apoc. *Foris carnis.* Non est bonum dare caribus  
escam filiorum, aut Margaritam mittere ante porcos. S. Ma-  
carius hom. 27. *Sicut in rebus ob oculos positis, si meretrix quapiam  
se turpiter prostituat, ita anima quæ cuicumque se demoni tradit, cor-  
rumpitur ab ipsis Spiritibus.*

### In Eodem Festo S. Stanislai Episc. & Mart. Fragmentum.

**S**Ive Sanctum hunc comparavero cum Joan Bapt. non er-  
rabo, & hic dicebat Regi, *non licet.* Et tum dici poterat  
cum hic vixit quod Jerem. 5. *Scupor & mirabilia facta sunt in ter-  
ra, prophetae prophetabant mendacium, &c.* Applaudebant Regi.  
De Sancto ut de Banania 2. Reg. 23. dicendum. *Vir magnorum  
operum, ipse percussit duos leones Moab, & ipse descendit & percussit  
leonem in media cisterna in diebus nivis.* Quando nimirum in pie-  
tate refrixit Polonia sicut in diebus nivis, egit ut Ambrosius  
de quo Theodoret, hist. lib. 5. cap. 18. cum excommunicavisset  
Theodosium Imp. ac Rufinus Magister militum promitteret  
Cæsari id se effecturum ut spontè Ambrosius anathema solve-  
ret,